

U G O V O R

o nabavci usluga

I UGOVORNE STRANE

KJP „ZOI'84“ OCS d.o.o.

Sjedište: Alipašina bb, 71000 Sarajevo
Kojeg zastupa direktor mr. Midhat Hubijar
Identifikacijski broj: 4200347000004
(u daljem tekstu: Naručilac)

i

ARTING BH d.o.o.

Sjedište: Đoke Mazalića 2, Sarajevo
Kojeg zastupa direktor Agim Papraniku dipl. inž. građ.
Identifikacijski broj: 4201906550008
Transakcijski broj banke, ime i sjedište banke: 1990490058610260 kod Sparkasse bank d.d. Sarajevo
(u daljem tekstu: Izvršilac)

II PREDMET UGOVORA

Član 1.

Predmet ovog Ugovora je pružanje usluga u pripremi tehničke specifikacije za adaptaciju skladišnih prostora u Zetri prema Pozivu za dostavljanje ponude Naručioca broj 832/17 i Ponudi Izvođaoca broj 142-04/17 od 11.04.2017. godine, koja je u prilogu ovog Ugovora i čini njegov sastavni dio.

Član 2.

Prilikom pripreme tehničke specifikacije iz člana 1. ovog Ugovora potrebno je obratiti pažnju na sljedeće:

- a) tehničke specifikacije ne smiju biti kopirane iz kataloga određenog ponuđača;
- b) tehnički zahtjevi trebaju biti definisani na način da se prilikom upita da li zadovoljavaju može odgovoriti jasno sa DA ili NE;
- c) svaki zahtjev u tehničkoj specifikacije je obvezan (mora se ispuniti) i ništa se ne smije dodavati – dostavlja se samo ono što je traženo;
- d) ne smiju se koristiti pridjevi kao što su; visokokvalitetno, vrhunsko, odlično, približno, cca, adekvatno, proporcionalno, određeno, drugi dijelovi, i sl. Sve što nije detaljno definisano onemogućava usporedbu i ocjenjivanje ponuda prema jednakim kriterijima ;
- e) kod svakog navoda ili barem kod većine opisa tehničke specifikacije treba objasniti zbog čega se taj navod traži i zašto inzistiramo na njemu;
- f) ponuđač treba da obidi mjesto izvođenja radova kako bi se adekvatno mogli pripremiti predmjeri radova, te blagovremeno uočili eventualni problemi;
- g) ukoliko je potrebno navesti kao uslov traženje garancije za dobro izvršenje ugovora te granaciju za rokove izvođenja (navesti minimalni period garantnog roka za izvedene radove u skladu sa zakonskim uzansama);
- h) u tehničkoj specifikaciji se pored ostalih predmjera takođe treba ponuditi i najadekvatnije rješenje predmjer i obračun radova i za: molersko, farbarske radove na zidovima, sanaciju podnih površina sa adekvatnim materijalom (uključujući izradu epoksilnog poda), popravka ulaznih vrata sa ugradnjom sigurnosnog sistema, uređenje kancelarija i pomoćnih prostorija u skladištu, saniranje hidrantske mreže i protivpožarne zaštite, popravka i ugradnja novih klima uređaja, prozora, žaluzina na prozorima, kao i niz sitnih popravki, instalirati video interfon na vratima, blokiranje izlaznih vrata u hodniku, zamjena itisona, provjera rada ventilacije, te pocjena i obačun za eventualnu popravku i sl.

Član 3.

Za koordinaciju operativnih aktivnosti na realizaciji ovog Ugovora, na način i u ugovorenim rokovima, imenuju se:

- Za Naručioca : Amela Selimović, 033/276-217;
- za Izvršioca: Agim Papraniku, 033/847-037;

III CIJENA I NAČIN PLAĆANJA

Član 4.

Ugovor se zaključuje sa ukupnom vrijednošću u iznosu od 5.959,00 KM (pethiljadadevetstotinašesetdevet i 00/100 konvertibilnihmaraka) bez uključenog PDV-a, odnosno 6.972,03 KM (šesthiljadadevetstotinasedamdesetdva 03/100 konvertibilnihmaraka) sa uključenim PDV-om.

Član 5.

Naručilac se obavezuje da će Izvršiocu u roku od 30 dana po ispostavljanju fakture platiti cijenu iz člana 4. ovog Ugovora a nakon dostavljene tehničke dokumentacije u skladu sa uslovima iz ponude.

IV ROK IZVRŠENJA

Član 6.

Izvršilac se obavezuje da će odmah po potpisu Ugovora pristupiti izradi tehničke specifikacije, te istu najkasnije u roku od 10 (deset) dana dostaviti Naručiocu.

V OBAVEZE IZVRŠIOCA

Član 7.

Izvršilac se obavezuje :

- a) da će na poslovima pripreme tehničke dokumentacije angažovati najmanje jednog kvalifikovanog dipl.ing.arh. ili građevine sa položenim stručnim ispitom sa min. 5 godina radnog iskustva na istim ili sličnim poslovima od završetka studija prvog ciklusa.
- b) da bude na raspolaganju Naručiocu u toku trajanje tenderske procedure za radove adaptacije skladišnih prostora u Zetri.

VI STUPANJE NA SNAGU I RJEŠAVANJE SPOROVA

Član 8.

a) Ovaj ugovor stupa na snagu danom obostranog potpisivanja od strane ovlaštenih lica ugovornih strana.

b) U slučaju propusta u izvršenju ugovorenih obaveza prouzrokovanih njegovom krivicom Izvršilac je dužan za svaki dan propusta i/ili svaki započeti dan kašnjenja u izvršenju ugovora isplatiti Naručiocu ugovornu kaznu u iznosu od 20,00 KM, a najviše do 10% od ukupno ugovorenog iznosa. Obaveza plaćanja ugovorne kazne utvrđuje se prilikom fakturisanja.

Član 9.

Svaka ugovorna strana može pokrenuti postupak raskida ugovora ako druga strana ne izvršava preuzete utvrđene obaveze, uz otkazni rok od 15 dana.

Član 10.

Eventualno nastale sporove pri realizaciji ovog Ugovora, ugovorne strane će rješavati mirnim putem, u protivnom ugovara se nadležnost suda opće stvarne nadležnosti u Sarajevu.

VII OSTALE ODREDBE

Član 11.

Za sve što nije regulirano ovim Ugovorom primjenjivaće se odredbe Zakona o obligacionim odnosima u Bosni i Hercegovini.


Član 12.

Punovažne i obavezujuće su samo one izmjene i dopune ovog Ugovora koje su ugovorne strane sačinile sporazumno i u pisanoj formi.

Član 13.

Ovaj ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

Za Dobavljača



Agim Papraniku dipl. inž. građ.
direktor ARTING BH d.o.o.



Datum: 24. 04. 2017. godine

Broj: 128-04/17

Za Naručioca


mr. Midhat Hübijar, direktor KJP ZOI'84



Datum: 27. 04. 2017. godine

Broj: 1027/17